

वृ॒क॒णं ते॒नैनमे॒तत्प्री॑णाति य॒दग्ने॒ का॒नि का॒नि चि॒दा ते दा॒त्र॒णि द॒ध्म॒सि । स॒र्वं
 त॒दस्तु॒ ते घृ॑तं त॒ज्जुष॑स्व यवि॒ध्येति॒ यथै॒व य॒जुस्त॒था ब॒न्धुस्त॒द्यत्किं॒ चा॒पर॑शुवृ॒क॒णं
 त॒दस्मा॑ऽए॒तत्स्वद॑यति त॒दस्मा॑ऽअ॒न्नं कृ॒त्वापि॑दधाति ॥ ५ ॥ अ॒थाधः॑शयमा॒दधा॑ति ।
 ज्ञा॒यतऽए॒ष ए॒तद्य॒च्चीय॑ते स ए॒ष स॒र्वस्मा॑ऽअ॒न्नाय॒ ज्ञा॒यतऽए॒तद्वे॒कम॒न्नं य॒दधः॑शयं
 ते॒नैनमे॒तत्प्री॑णाति य॒द॒त्युप॑जि॒ह्विका॒ यद्व॒म्रोऽअ॒तिस॑र्पतीत्युप॑जि॒ह्विका॒ वा हि त॒-
 द॒त्ति व॒म्रो वा॒तिस॑र्पति स॒र्वं त॒दस्तु॒ ते घृ॑तं त॒ज्जुष॑स्व यवि॒ध्येति॒ यथै॒व य॒जुस्त॒था
 ब॒न्धुस्त॒द्यत्किं॒ चाधः॑शयं त॒दस्मा॑ऽए॒तत्स्वद॑यति त॒दस्मा॑ऽअ॒न्नं कृ॒त्वापि॑दधाति ॥ ६ ॥
 अथै॒ता उ॒त्तराः॒ पा॒ला॒शो भ॑वन्ति । ब्र॒ह्म वै प॒ला॒शो ब्र॒ह्मणै॒वैनमे॒तत्स॒मिन्दे॒ य॒-
 द्वे॒व पा॒ला॒शः सो॒मो वै प॒ला॒श ए॒षो ह॒ पर॑मा॒हुतिर्य॒त्सोमा॑हुतिस्ता॒मस्मिन्ने॒तज्जु॒-
 होति॒ तथै॒नमे॒तत्प्री॑णाति ॥ ७ ॥ अ॒रु॒र॒रु॒प्रया॑वं भ॒रन्त॒ इति॒ । अ॒रु॒र॒रु॒प्रम॑त्ता
 अ॒रु॒रन्त॒ इत्ये॒तद॒श्वाये॒व ति॒ष्ठते॒ घास॑मस्मा॑ऽइति यथा॒श्वाय॒ ति॒ष्ठते॒ घास॑मित्ये॒तद्रा॒-
 य॒स्पोषे॑ण स॒मिषा॒ म॒दन्त॒ इति॒ र॒थ्या च॒ पो॒षेण॒ च स॒मिषा॒ म॒दन्त॒ इत्ये॒तदग्ने॒ मा ते
 प्र॒ति॒वेशा॒ रिषा॑मि॒ति यथै॒वास्य॒ प्र॒ति॒वेशो न रि॒ष्येदे॒वमे॒तदा॒ह ॥ ८ ॥ ना॒भा पृथि॒-
 व्याः स॒मिधा॑नेऽअ॒ग्रावि॑ति । ए॒षा ह॒ ना॒भिः पृथि॒व्यै यत्रै॒ष ए॒तत्स॒मिध्य॑ते रा॒यस्पो॒-
 षाय॒ बृ॒हते॒ ह॒वाम॒हऽइति॒ र॒थ्यै च॒ पो॒षाय॒ च बृ॒हते॒ ह॒वाम॒हऽइत्ये॒तदि॒रंम॒दमि॒-
 ती॒रया॒ ह्ये॒ष म॒त्तो बृ॒ह॒ड॒क्थमि॑ति बृ॒ह॒ड॒क्थो ह्ये॒ष य॒ज्ञत्र॑मि॒ति य॒ज्ञिय॑मित्ये॒तज्जे॒-
 तार॑मग्निं पृ॒तना॑सु सा॒सहि॑मि॒ति जे॒ता ह्यग्निः॒ पृ॒तना॒ उ सा॒सहिः ॥ ९ ॥ याः से॒ना
 अ॒भी॒वरीः । द॒ष्ट्राभ्यां॒ म॒लि॒सू॒न्ये ज॒नेषु॒ म॒लि॒सू॒वो योऽअ॒स्मभ्य॑मरातीयाद्यश्च नो
 द्वे॒षते॒ ज॒नः । नि॒न्दा॒द्योऽअ॒स्मान्धि॒प्साच्च॒ स॒र्वं तं म॑स्मसा॒ कुर्वि॑ति ॥ १० ॥ ए॒तद्वै
 दे॒वाः । य॒श्चैनान॑द्वे॒जं चा॒द्विपु॑स्त॒मस्मा॑ऽअ॒न्नं कृ॒त्वाप्य॑दधुस्ते॒नैनमे॒तत्प्री॑णन्न॒न्नम॒हैत॑स्या॒-
 भव॑द्द॒ह॒ड दे॒वानां॒ पा॒प्मानं॒ तथै॒वैत॑द्य॒ज॒मानो य॒श्चैनं॒ द्वेष्टि॒ यं च॒ द्वेष्टि॒ तम॑स्मा
 ऽअ॒न्नं कृ॒त्वापि॑दधाति ते॒नैनं॒ प्री॑णात्य॒न्नम॒हैत॑स्य भ॒वति॒ द॒ह॒त्यु य॒ज॒मान॑स्य पा॒प्मा॒-